



Broj: 02-50-1-16-44/10

Sarajevo, 9. 4. 2010.

ZAPISNIK

44. sjednice Doma naroda

Parlamentarne skupštine Bosne i Hercegovine, održane 9. 4. 2010. godine

Sjednica je počela u 11,15 sati.

Sjednicom je predsjedavao Sulejman Tihić, predsjedavajući Doma naroda Parlamentarne skupštine BiH.

Sjednici je prisustvovalo 14 delegata.

Delegat Božo Ljubić opravdao je odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija te sredstava javnog informiranja.

Prije utvrđivanja dnevnog reda, delegat Slobodan Šaraba tražio je i da se u dnevni red sjednice uvrsti tačka: Utvrđivanje smjernica za djelovanje privremenih delegacija koje, u ime Bosne i Hercegovine, učestvuju na međunarodnim skupovima.

Kolegij Doma naroda odlučio je da ovaj prijedlog delegata Slobodana Šarabe prvo razmatra Zajednički kolegij oba doma s čim se predlagač složio.

Nakon toga, Dom naroda jednoglasno je usvojio sljedeći

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 43. sjednice Doma naroda;
3. Izvještaj Zajedničke komisije oba doma o postizanju saglasnosti o identičnom tekstu Zakona o duhanu Bosne i Hercegovine;

4. Prijedlog zakona o radnom vremenu, obaveznim odmorima mobilnih radnika i uređajima za evidentiranje u dramskom prijevozu (drugo čitanje), predlagač: Vijeće ministara BiH;
5. Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini (drugo čitanje), predlagač: Vijeće ministara BiH;
6. Prijedlog zakona o protuminskom djelovanju u Bosni i Hercegovini (drugo čitanje), predlagač: Vijeće ministara BiH;
7. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (drugo čitanje), predlagač: Vijeće ministara BiH;
8. Predloga zakona o izmjenama Zakona o klasifikaciji djelatnosti u Bosni i Hercegovini (drugo čitanje), predlagač: Vijeće ministara BiH;
9. Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine (drugo čitanje), predlagač: Vijeće ministara BiH;
10. Prijedlog zakona o izmjenama i dopunama Zakona o Javnom radiotelevizijskom servisu Bosne i Hercegovine (drugo čitanje), predlagač: Vijeće ministara BiH;
11. Prijedlog zakona o izmjenama i dopunama Zakona o komunikacijama (drugo čitanje), predlagač: Vijeće ministara BiH;
12. Prijedlog zakona o izmjenama i dopunama Izbornog zakona Bosne i Hercegovine (prvo čitanje), predlagači: delegati Dušanka Majkić, Ilija Filipović i Hazim Rančić;
13. Prijedlog zakona o izmjeni i dopunama Zakona o carinskoj politici Bosne i Hercegovine (prvo čitanje), predlagač: Vijeće ministara BiH;
14. Prijedlog zakona o izmjenama i dopunama Zakona o javnim nabavkama (prvo čitanje) predlagač: Predstavnički dom;
15. Prijedlog zakona o promociji malih i srednjih preduzeća i preduzetništva u Bosni i Hercegovini (prvo čitanje), predlagač: Vijeće ministara BiH;
16. Prijedlog zakona o primjeni rezultata analize dezoksiribonukleinske kiseline u sudskim postupcima (prvo čitanje), predlagač: Vijeće ministara BiH;
17. Prijedlog zakona o izmjenama i dopunama Zakona o radu u institucijama Bosne i Hercegovine (prvo čitanje), predlagač: Vijeće ministara BiH;
18. Prijedlog zakona o zaštiti oznaka geografskog porijekla (prvo čitanje), predlagač: Vijeće ministara BiH;
19. Prijedlog zakona o zaštiti topografije integriranog kola (prvo čitanje); predlagač: Vijeće ministara BiH;
20. Prijedlog zakona o industrijskom dizajnu (prvo čitanje), predlagač: Vijeće ministara BiH;
21. Prijedlog zakona o žigu (prvo čitanje), predlagač: Vijeće ministara BiH;
22. Prijedlog zakona o patentu (prvo čitanje), predlagač: Vijeće ministara BiH;

23. Prijedlog zakona o izmjenama i dopunama Zakona o zaštiti tajnih podataka (prvo čitanje), predlagač: Vijeće ministara BiH;
24. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (akt Ministarstva za ljudska prava i izbjeglice BiH, broj 01 – 37 – 310 /10, od 15. 2. 2010.);
25. Prijedlog strategije razvoja sporta u Bosni i Hercegovini, predlagač: Vijeće ministara BiH;
26. Rasprava o Izvještaju o aktivnostima Vijeća Evrope u 2009. godine, prijedlog za razmatranje: Delegacija PSBiH u Parlamentarnoj skupštini Vijeća Evrope;
27. Izvještaj o aktivnostima na projektu „Autoput na Koridoru Vc“ i Plan narednih aktivnosti – (materijal Ministarstva komunikacija i prometa BiH);
28. Izvještaj o radu parlamentarnog vojnog povjerenika za period oktobar – decembar (materijal parlamentarnog vojnog povjerenika);
29. Izvještaj o radu Odbora za žalbe građana na rad policijskih službenika u policijskim tijelima BiH za period septembar – decembar 2009. (materijal Odbora za žalbe građana, broj: 03-50-1-60-6-2/10, od 27.1.2010.);
30. Prijedlog mjera za poboljšavanje uslova poslovanja u poljoprivrednoj proizvodnji i prehrambenoj industriji Bosne i Hercegovine (Vijeće ministara, akt broj: 05 – 28 – 21 /10, od 8. 1. 2010.);
31. Davanje saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima;
32. Davanje saglasnosti za ratifikaciju Protokola između Vijeća ministara BiH i Vlade Kraljevine Saudijske Arabije o međusobnoj zamjeni nekretnina - zemljišta za izgradnju diplomatskih predstavništava u Sarajevu i Rijadu;
33. Davanje saglasnosti za ratifikaciju Kreditnog sporazuma između Bosne i Hercegovine i Kuvajtskog fonda za arapski ekonomski razvoj – Projekat Autoput Kakanj – Donja Gračanica;
34. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Arapske Republike Egipat;
35. Davanje saglasnosti za ratifikaciju Sporazuma o zračnom saobraćaju između Bosne i Hercegovine i Sirijske Arapske Republike;
36. Davanje saglasnosti za ratifikaciju Sporazuma između Vijeća ministara BiH i Vlade Republike Moldavije o uzajamnom ukidanju viznog režima za nosioce diplomatskih i službenih pasoša;
37. Davanje saglasnosti za ratifikaciju Sporazuma između Bosne i Hercegovine i Republike Indije o međusobnoj pravnoj pomoći u krivičnim stvarima;

38. Davanje saglasnosti za ratifikaciju Sporazuma između Vijeće ministara BiH i Vlade Crne Gore o prijevozu putnika i tereta u međunarodnom drumskom saobraćaju;
39. Davanje saglasnosti za ratifikaciju Sporazuma o zajmu između Bosne i Hercegovine i Evropske banke za obnovu i razvoj za projekat Mahovljanska petlja;
40. Davanje saglasnosti za ratifikaciju Sporazuma o finansiranju i projektu između KfW, Frankfurt na Majni, i Bosne i Hercegovine, koju zastupa Ministarstvo finansija i trezora BiH, kao i Federacije Bosne i Hercegovine, koju zastupa Federalno ministarstvo finansija, i Općine Bihać, Agencija za izvođenje projekta, Prikupljanje i tretman otpadnih voda, Bihać;
41. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Ruske Federacije;
42. Davanje saglasnosti za ratifikaciju Memoranduma o razumijevanju između saveznog ministra odbrane i sporta Republike Austrije, Vijeća ministara BiH, Vlade Republike Hrvatske, Vlade Kraljevine Danske, Ministarstva vanjskih poslova Republike Francuske, Vlade Republike Mađarske, Vlade Republike Makedonije, Vlade Kraljevine Holandije, Vlade Kraljevine Norveške, Vlade Republike Poljske, Vlade Švicarske Konfederacije, Vlade Republike Turske, Vlade Ujedinjenog Kraljevstva Velike Britanije i Sjeverne Irske i Vlade Sjedinjenih Američkih Država, vezano za saradnju u radu Centra za obuku za operacije podrške miru u Bosni i Hercegovini.

Ad. 1. Odgovori na delegatska pitanja i delegatska pitanja

Odgovore na delegatska pitanja dobili su:

Ivo Miro Jović, na pitanje postavljeno na 39. sjednici (odgovor od Vijeća ministara BiH), 42. sjednici (odgovor od Vlade Federacije BiH) i dva odgovora na pitanje postavljeno na 43. sjednici Doma naroda (odgovor od Regulatorne agencije za komunikacije i Federalnog pravobranilaštva),

Dušanka Majkić, na pitanje postavljeno na 38. sjednici (odgovor od Tužilaštva BiH) i 42. sjednici Doma naroda (odgovor od Ministarstva sigurnosti BiH – Služba za poslove sa strancima),

Hilmo Neimarlija, na pitanje postavljeno na 19. sjednici Doma naroda (odgovor od Federalnog ministarstva okoliša i turizma),

Hazim Rančić, na tri pitanja postavljena na 42. sjednici (odgovor od Vijeća ministara BiH, Službe za poslove sa strancima i Uprave za indirektno oporezivanje) i 39. sjednici Doma naroda (odgovor od Vijeća ministara BiH),

Drago Ljubičić, na pitanje postavljeno na 40. sjednici Doma naroda (odgovor od Vijeća ministara BiH),

Alma Čolo, na pitanje postavljeno na 43. sjednici Doma naroda (odgovor od Ministarstva pravde BiH),

Mladen Ivanić, na pitanje postavljeno na 42. sjednici Doma naroda (odgovor od Uprave za indirektno oporezivanje)

Delegat Ivo Miro Jović izjasnio se da je zadovoljan odgovorom na pitanje postavljeno na 39. sjednici i odgovorom na pitanje postavljeno na 43. sjednici a koji je dostavila Regulatorna agencija za komunikacije BiH. Ivo Miro Jović izjasnio se da je nezadovoljan odgovorom na pitanje postavljeno na 42. sjednici i odgovorom na pitanje postavljeno na 43. sjednici a koje je dostavilo Federalno pravobranilaštvo.

Delegat Dušanka Majkić izjasnila se da je zadovoljna dobivenim odgovorom postavljenim na 42. sjednici dostavljeno od Ministarstva sigurnosti BiH – Službe za poslove sa strancima a da nije zadovoljna odgovorom na pitanje postavljeno na 38. sjednici, koje je dostavljeno od Tužilaštva BiH.

Delegat Hilmo Neimarlija izjasnio se da je nezadovoljan odgovorom koji je dobio na pitanje postavljeno na 19. sjednici,

Delegat Hazim Rančić izjasnio se da su odgovori na pitanja postavljena na 42. sjednici kasno dostavljena od Uprave za indirektno oporezivanje i Službe za poslove sa strancima te da je bespredmetno sada se o njima izjašnjavati. Hazim Rančić izjasnio se da je nezadovoljan odgovorom koji je dobio na pitanje postavljeno na 39. sjednici.

Delegat Drago Ljubičić izjasnio se da je djelimično zadovoljan odgovorom na pitanje postavljeno na 40. sjednici,

Delegati Alma Čolo i Mladen Ivanić izjasnili su se da su zadovoljni odgovorima na postavljena pitanja na 43. i 42. sjednici.

Delegat Adem Ibrahimpašić izjasnio se da je nezadovoljan odgovorom na pitanje koje je postavio na posebnoj zajedničkoj sjednici oba doma.

Delegat Alma Čolo postavila je sljedeće pitanje Visokom sudskom i tužilačkom vijeću BiH:

Da li tužiocima koji imaju jednu ili više podignutih optužnica koje su završile pravosnažnom oslobađajućom presudom mogu biti kandidati za izbor na više funkcije u sudovima i tužilaštvima Bosne i Hercegovine?

Delegat Hazim Rančić postavio je sljedeće pitanje Uredu za reviziju institucija BiH:

Kada će Ured za reviziju institucija BiH izvršiti reviziju Elektroprijenosa BiH - Elektroprenosa BiH a.d. Banja Luka i o tome podnijeti izvještaj Parlamentarnoj skupštini BiH?

Delegat Ivo Miro Jović postavio je sljedeće pitanje Federalnom ministarstvu za pitanja boraca i invalida odbrambenog oslobodilačkog rata, Federalnom zavodu za penzijsko i invalidsko osiguranje i Radio-televiziji Federacije BiH.

1. Kako je moguće provoditi diskriminaciju oficira Hrvatskog vijeća obrane u vezi sa sticanjem prava penzionera u odnosu na oficire Armije BiH? Naime, oficirima HVO-a koji su stekli pravo na penzioniranje ne dozvoljava se korištenje pod istim okolnostima, kao i pripadnicima Armije BiH. Najdrastičniji primjer je general Rasim Delić, koji koristi ta prava, a velikom broju pripadnika HVO-a je onemogućeno.
2. Čije je vlasništvo Radio 202 i po kojem zakonu radi?
Ko je odobrio frekvenciju za ovaj radio, kada i koliko ima zaposlenih na ovom radiju?
Ko finansira rad i koliko?

Delegat Drago Ljubičić postavio je sljedeće pitanje Ministarstvu sigurnosti BiH:

Da li je Ministarstvo sigurnosti BiH upoznato s plakatima koje su se pred Uskrs (hrišćanski praznik) 2010. godine pojavili na katoličkim i pravoslavnim vjerskim objektima u Federaciji BiH kojima se nemuslimani pozivaju na prelazak na islam?

Da li je Ministarstvo sigurnosti BiH upoznato s tribinama koje su u nekim mjestima u FBiH organizirane o toj temi, ko stoji iza takvih uvredljivih plakata i tribina i šta su po tom pitanju preduzeli?

Delegat Slobodan Šaraba postavio je sljedeće pitanje Instituciji omdusmena za ljudska prava BiH i Vijeću ministara BiH:

- 1 Koji su razlozi koji su naveli Instituciju ombudsmena za ljudska prava BiH da uđe u postupke preispitivanja legitimnosti odluka Doma naroda od 20.1.2009., kojom je imenovan član Vijeća nacionalnih manjina iz crnogorske manjine?

- 2 Zašto još nisu usvojeni pravilnici o unutrašnjoj organizaciji i sistematizaciji tri agencije nastale u drugoj fazi reforme policije u Bosni i Hercegovini?

Delegat Dušanka Majkić postavila je sljedeće pitanje Vijeću ministara BiH i Agenciji za državnu službu BiH:

- 1 Šta se trenutno dešava s formiranjem Komisije za imovinske zahtjeve izbjeglih i raseljenih lica i izbjeglica?
- 2 Koliko je sekretara s posebnim zadatkom kojima je istekao mandat na funkciji direktora i zamjenika direktora u institucijama BiH?
Precizno navesti nazive institucija, mjesta i datum isteka mandata.
Da li u institucijama BiH ima direktora ili zamjenika direktora koji imaju status državnog službenika, koji nisu na mandatu, po kojem osnovu nisu na mandatu?

Ad.2. Usvajanje Zapisnika 43. sjednice Doma naroda

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Zapisnik 43. sjednice Doma naroda.

Ad.3. Izvještaj Zajedničke komisije oba doma o postizanju saglasnosti o identičnom tekstu Zakona o duhanu Bosne i Hercegovine

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Adem Ibrahimpašić.

Dom naroda **jednoglasno je usvojio** Izvještaj Zajedničke komisije oba doma o postizanju saglasnosti o identičnom tekstu Zakona o o duhanu Bosne i Hercegovine pa je samim tim Zakon **usvojen**.

Ad.4. Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo i Ivo Miro Jović.

Dom naroda **jednoglasno je usvojio** Zakon o radnom vremenu, obaveznim odmorima mobilnih radnika i uređajima za evidentiranje u drumskom prijevozu s dva amandmanom koja glase:

Amandman I.

U članu 17. stav (12) mijenja se i glasi:

„(12) Oznake plombi, prateće dokumentacije i način imenovanja Komisije za radionice iz člana 18. stav (3) ovog zakona pravilnikom propisuje ministar, u saradnji sa Institutom i entitetskim zavodima.“

Amandman II.

U članu 39. u stavu 1. riječi: „ do 16.3.2010. godine“ zamjenjuju se riječima: „do 16.6.2010. godine“.

S obzirom da je Zakon usvojen u različitom tekstu od onog usvojenog u Predstavničkom domu, Dom naroda osnovao je Zajedničku komisiju za usaglašavanje teksta Zakona. Za članove Zajedničke komisije iz Doma naroda jednoglasno su **imenovani: Slobodan Šaraba, Alma Čolo i Branko Zrno.**

Ad.5. Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Alma Čolo i Zoran Koprivica.

Dom naroda **jednoglasno je usvojio** Zakon o izmjenama i dopunama Zakona o politici direktnih stranih ulaganja u Bosni i Hercegovini sa sljedeća dva amandmana:

Amandman I.

Član 2. mijenja se i glasi:

„Član 2.

U članu 2. mijenjaju se značenja sljedećih izraza tako da glase:

„„Direktno strano ulaganje“ znači ulaganje u novoosnovano privredno društvo ili ulaganje u postojeće domaće privredno društvo, kao i ulaganje u novoosnovanu ustanovu ili postojeću ustanovu, koje može biti u novcu, stvarima i pravima.

„Strana kontrola“ znači svako ulaganje u visini osnivačkog uloga predviđenog za osnivanje privrednog društva ili ustanove u BiH.

„Javno informiranje“ znači informiranje koje se ostvaruje posredstvom medija. Mediji su novine i druga štampa, radijski i televizijski programi, programi novinskih agencija, elektronske publikacije, teletekst, ostali oblici dnevnog ili periodičnog objavljivanja urednički oblikovanih programskih sadržaja prijenosom zapisa, glasa, zvuka ili slike.““

Amandman II.

U članu 3. Zakona o izmjenama i dopunama Zakona o politici direktnih stranih ulaganja u BiH (a koji tretira član 4. Zakona) stav (f) mijenja se i glasi:

„(f) Vlada entiteta može donijeti odluku, ako ocijeni opravdanim, da ulog stranog lica kod određenih privrednih društava iz stava (a) ovog člana, osim preduzeća koja se bave javnim informiranjem, ne podliježu restrikciji navedenoj u stavu (a) ovog člana.““

S obzirom da je Zakon usvojen u različitom tekstu od onog usvojenog u Predstavničkom domu, Dom naroda osnovao je Zajedničku komisiju za usaglašavanje teksta Zakona. Za članove Zajedničke komisije iz Doma naroda **imenovani su: Slobodan Šaraba, Hazim Rančić i Branko Zrno.**

Ad.6. Prijedlog zakona o protuminskom djelovanju u Bosni i Hercegovini (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Zoran Koprivica, Ivo Miro Jović, predstavnik BHMACH-a Dušan Gavran i Alma Čolo.

Dom naroda je, **s 11 glasova „za“ i jednim „suzdržanim“ glasom, usvojio Zakon o protuminskom djelovanju u Bosni i Hercegovini sa sljedećim amandmanima koje je podnio delegat Zoran Koprivica a koji su identični amandmanima usvojenim u Predstavničkom domu**

Amandman I.

U članu 9. stavu (2) alineja e) se mjenja i glasi:

„ e) podnosi izvještaje Vijeću ministara i Zajedničkoj komisiji za odbranu i sigurnost Parlamentarne skupštine Bosne i Hercegovine, te redovno izvještava donatore o napretku u oblasti protuminskog djelovanja, u skladu sa izvještajima koje dostavi Agencija za protuminsko djelovanje u Bosni i Hercegovini;“

Amandman II.

U članu 19. u stavu (1) iza alineje d) dodaje se nova alineja e) koja glasi:

„ e) donacija iz privatnog sektora, međunarodnih organizacija i stranih vlada kroz organizacije ovlaštene da predstavljaju donatore u Bosni i Hercegovini i ugovaraju operacije protuminskog djelovanja u skladu sa uslovima donatora i u koordinaciji sa Agencijom za protivmisko djelovanje u Bosni i Hercegovini.“

U članu 19. stav (2) mijenja se i glasi:

„(2) Sredstvima iz stava (1) ovog člana osim alineje e) ovog člana upravlja Ministarstvo, u skladu sa ovim Zakonom i Pravilnikom koji donosi Vijeće ministara i koriste se samo radi realizacije Projekta protuminskog djelovanja.“

Amandman III.

U članu 23. dodaje se novi stav (2) koji glasi:

„ (2) Aktivnosti protuminskog djelovanja finansirane iz sredstava previđenih u članu 19. stav (2) alineja e) biti će planirane i implementirane u skladu sa uslovima donatora, a uvažavajući alineje navedene u stavu (1) ovog člana.“

Dom naroda usvojio je i sljedeći amandman koji je podnio delegat Ivo Miro Jović.

Amandman I.

U članu 12. stav (2) riječ „Sarajevo“ mijenja se riječju „Mostar“.

S obzirom da je Zakon usvojen u različitom tekstu od onog usvojenog u Predstavničkom domu, Dom naroda osnovao je Zajedničku komisiju za usaglašavanje teksta Zakona. Za članove Zajedničke komisije iz Doma naroda **imenovani su: Zoran Koprivica, Ivo Miro Jović i Hilmo Neimarlija.**

Ad.7. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo, Ilija Filipović i Slobodan Šaraba.

Dom naroda je, **s 12 glasova „za“, jednim glasom „protiv“ i jednim „suzdržanim“ glasom, usvojio** Zakon o izmjenama i dopunama Zakona o osnovama sigurnosti saobraćaja na putevima u Bosni i Hercegovini sa sljedećih 13 amandmana:

Amandman I.

U članu 2. stav (4) iza riječi “entiteta” stavlja se zarez i dodaje se riječ „kantona“.

Amandman II.

U članu 22. u stavu (1) iza riječi: “stav (2)” dodaju se riječi: “i (3)” .

Amandman III.

U članu 42. Prijedloga zakona dodat je novi član 129b. i u članu 129b. u stavu (3) iza riječi: “za smještaj tereta“ dodaju se riječi: “vozila iz člana 129a. stav (2)”.

Amandman IV.

U članu 46., koji se odnosi na član 177. Zakona o osnovama sigurnosti saobraćaja na putevima u Bosni i Hercegovini, stav (9) mijenja se i glasi:

„(9) Bliže odredbe o vršenju kontrole iz stava (7) ovog člana pravilnikom propisuje organ entiteta, kantona i Brčko Distrikta Bosne i Hercegovine nadležan za obrazovanje, u skladu s općim principima za vršenje kontrole propisanim podzakonskim aktom iz st. (10) i (11) ovog člana.“

Amandman V.

U član 48. stav (2) mijenja se i glasi:

„Iza člana 178. dodaje se novi član 178a. koji glasi:

„Član 178a.

O uspješno završenoj obuci za vozača motornih vozila, autoškole, obrazovne ustanove i Crveni križ izdaju potvrde“.

Amandman VI.

U članu 54. stav (1) iza riječi “entiteta” stavlja se zarez i dodaje se riječ „kantona“.

Amandman VII.

„U članu 69. st. (2), (3) i (4) mijenjaju se i glase:

„ (2) U članu 225. stav (5) riječ „deset“ zamjenjuje se riječju „sedam“.

(3) U stavu (8) riječ „15“ zamjenjuje se riječju „deset“.

(4) U stavu (10) riječ „15“ zamjenjuje se riječima: „najmanje deset“.”

Amandman VIII.

Članom 78. Prijedloga zakona dodat je novi član 234a. i u članu 234a. stav (1) tačka 2) brišu se riječi: “stav (2)”.

Amandman IX.

U članu 80. dodaje se novi stav (7) koji glasi:

„(7) Iza tačke 27) dodaje se nova tačka 27a) koja glasi:

„27a) kandidat za vozača i instruktor vožnje ukoliko postupe suprotno odredbama člana 180.“

Dosadašnji st. (7) i (8) postaju st. (8) i (9).

Amandman X.

U članu 81. u stavu (1) briše se tačka 1a).

Dosadašnja tačka 1b) postaje tačka 1a).

Amandman XI.

Član 83. mijenja se i glasi:

(1) U članu 239. u tački 12) riječi: „čl. 55 i“ zamjenjuju se riječju „član”.

(2) U tački 17) iza riječi: „člana 81.“ dodaju se riječi: „i člana 82“.

(3) Tačka 20) mijenja se i glasi:

„20) vozač koji neispravno vozilo vuče suprotno odredbama člana 88.“;

(4) U tački 21) riječ „tač.“ mijenja se riječju „stav“ a na kraju teksta dodaju se riječi: „kao i vozač koji upravlja traktorom bez upaljenog žutog rotacionog svjetla (član 90. stav (6))”.

(5) Tačka 22) mijenja se i glasi:

„22) gonič stoke koji stoku ne drži u skladu s odredbama člana 104. st. (2) i (4)“.

(6) U tački 29) riječi: „stav (5)” zamjenjuju se riječima: „stav (7)”.

(7) U tački 30) riječi: „član 183. stav (1)” zamjenjuju se riječima: „član 177. stav (5)“.

(8) U tački 33) riječi: „saobraćajnu dozvolu” zamjenjuju se riječima: „potvrdu o registraciji”.

Amandman XII.

Članom 84. Prijedloga zakona dodat je novi član 239a. i u članu 239a. u stavu (4) riječi: “stav (3)” zamjenjuju se riječima: “stav (4)”.

Amandman XIII.

U članu 39. stav (1) Prijedloga zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini iza riječi: “Granična policija Bosne i Hercegovine” umjesto tačke stavlja se zarez i dodaju riječi: “ službena vozila članova Predsjedništva Bosne i Hercegovine, službena vozila predsjedavajućeg i zamjenika predsjedavajućeg oba doma Parlamentarne skupštine Bosne i Hercegovine i službena vozila predsjedavajućeg i zamjenika predsjedavajućeg Vijeća ministara Bosne i Hercegovine”.

S obzirom da je Zakon usvojen u različitom tekstu od onog usvojenog u Predstavničkom domu, Dom naroda osnovao je Zajedničku komisiju za usaglašavanje teksta Zakona. Za članove Zajedničke komisije iz Doma naroda **imenovani su: Branko Zrno, Drago Ljubičić i Alma Čolo.**

Ad.8. Prijedlog zakona o izmjenama Zakona o klasifikaciji djelatnosti u Bosni i Hercegovini (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Dom naroda **jednoglasno je usvojio** Zakon o izmjenama Zakona o klasifikaciji djelatnosti u Bosni i Hercegovini u identičnom tekstu kao i Predstavnički dom.

Ad.9. Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo, Slobodan Šaraba, Dušanka Majkić, Božo Rajić, Ilija Filipović, Mladen Ivanić, Drago Ljubičić i Hilmo Neimarlija.

Dom naroda je, s **11 glasova “za“ i dva „suzdržana“ glasa, usvojio** Zakon o izmjenama i dopunama Zakona o Javnom radiotelevizijskom sistemu Bosne i Hercegovine u identičnom tekstu kao i Predstavnički dom.

Ad.10. Prijedlog zakona o izmjenama i dopunama Zakona o Javnom radiotelevizijskom servisu Bosne i Hercegovine (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s **11 glasova „za“ i dva „suzdržana“ glasa, usvojio** Zakon o izmjenama i dopunama Zakona o Javnom radiotelevizijskom servisu Bosne i Hercegovine u identičnom tekstu kao i Predstavnički dom.

Ad.11. Prijedlog zakona o izmjenama i dopunama Zakona o komunikacijama (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s **11 glasova „za“ i dva „suzdržana“ glasa, usvojio** Zakon o izmjenama i dopunama Zakona o komunikacijama u identičnom tekstu kao i Predstavnički dom.

Ad . 12. Prijedlog zakona o izmjenama i dopunama Izbornog zakona Bosne i Hercegovine (prvo čitanje), predlagači: delegati Dušanka Majkić, Ilija Filipović i Hazim Rančić

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Ivo Miro Jović, Ilija Filipović, Božo Rajić i Mladen Ivanić.

Dom naroda **jednoglasno je usvojio u prvom čitanju** Prijedlog zakona o izmjenama i dopunama Izbornog zakona Bosne i Hercegovine čiji su predlagači delegati Dušanka Majkić, Ilija Filipović i Hazim Rančić **sa sljedećim zaključkom:**

“Dom naroda Parlamentarne skupštine BiH skraćuje amandmansku fazu za Prijedlog zakona o izmjenama i dopunama Izbornog zakona BiH na sedam dana od dana usvajanja navedenog prijedloga zakona u prvom čitanju”.

Ad.13. Prijedlog zakona o izmjeni i dopunama Zakona o carinskoj politici Bosne i Hercegovine (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo, Dušanka Majkić, predstavnik predlagača, pomoćnik ministra, Hajrudin Podbičanin i Drago Ljubičić.

Dom naroda je, s **11 glasova „za“ i dva „suzdržana“ glasa, usvojio u prvom čitanju** Prijedlog zakona o izmjeni i dopunama Zakona o carinskoj politici Bosne i Hercegovine sa sljedećim zaključkom:

“Dom naroda Parlamentarne skupštine BiH traži od Upravnog odbor Uprave za indirektno oporezivanje BiH da Domu naroda PSBiH dostavi mišljenje o Prijedlogu zakona o izmjeni i

dopuni Zakona o carinskoj politici BiH, prije razmatranja navednog prijedloga zakona u drugom čitanju”.

Ad.14. Prijedlog zakona o izmjenama i dopunama Zakona o javnim nabavkama (prvo čitanje) predlagač: Predstavnički dom

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Zoran Koprivica, Hazim Rančić, Božo Rajić, Mladen Ivanić, Drago Ljubičić i Adem Ibrahimpašić.

"Za" Prijedlog zakona glasalo je devet delegata, tri su bila „protiv“ i dva delegata bila su „suzdržana“. S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom u drugom krugu glasanja, **s devet glasova „za“, četiri „protiv“ i jednim „suzdržanim“ glasom, Zakon o izmjenama i dopunama Zakona o javnim nabavkama, čiji je predlagač Predstavnički dom, nije usvojen.**

Nakon razmatranja ovih tačaka, Dom naroda jednoglasno je odlučio da na današnjoj sjednici razmotri još sljedeće tačke dnevnog reda: 18., 19., 20., 21., 22., 31., 32., 33., 34., 35., 36., 37., 38., 39., 40., 41. i 42.

Ad.18. Prijedlog zakona o zaštiti oznaka geografskog porijekla (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Ivo Miro Jović i Drago Ljubičić:

Dom naroda **jednoglasno je usvojio u prvom čitanju** Prijedlog zakona o zaštiti oznaka geografskog porijekla.

Ad.19. Prijedlog zakona o zaštiti topografije integriranog kola (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Dom naroda **jednoglasno je usvojio u prvom čitanju** Prijedlog zakona o zaštiti topografije integriranog kola.

Ad.20. Prijedlog zakona o industrijskom dizajnu (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Dom naroda **jednoglasno je usvojio u prvom čitanju** Prijedlog zakona o industrijskom dizajnu.

Ad.21. Prijedlog zakona o žigu (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Dom naroda **jednoglasno je usvojio u prvom čitanju** Prijedlog zakona o žigu.

Ad.22. Prijedlog zakona o patentu (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Dom naroda **jednoglasno je usvojio u prvom čitanju** Prijedlog zakona o patentu.

Prije prelaska na razmatranje sljedećih tačaka dnevnog reda, predsjedavajući Doma naroda predložio je da se Dom izjasni o tome da se davanje saglasnosti za ratifikaciju za sve navedene tačke objedini, što je jednoglasno usvojeno.

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu. Dom naroda jednoglasno je dao saglasnost za ratifikaciju:

Ad.31. Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima;

Ad.32. Protokola između Vijeća ministara BiH i Vlade Kraljevine Saudijske Arabije o međusobnoj zamjeni nekretnina - zemljišta za izgradnju diplomatskih predstavništava u Sarajevu i Rijadu;

Ad.33. Kreditnog sporazuma između Bosne i Hercegovine i Kuvajtskog fonda za arapski ekonomski razvoj – Projekat Autoput Kakanj – Donja Gračanica;

Ad.34. Sporazuma o zračnom saobraćaju između Vijeća ministara BiH i Vlade Arapske Republike Egipat;

- Ad.35. Sporazuma o zračnom saobraćaju između Bosne i Hercegovine i Sirijske Arapske Republike;**
- Ad.36. Sporazuma između Vijeća ministara BiH i Vlade Republike Moldavije o uzajamnom ukidanju viznog režima za nosioce diplomatskih i službenih pasoša;**
- Ad.37. Sporazuma između Bosne i Hercegovine i Republike Indije o međusobnoj pravnoj pomoći u krivičnim stvarima;**
- Ad.38. Sporazuma između Vijeće ministara BiH i Vlade Crne Gore o prijevozu putnika i tereta u međunarodnom drumskom saobraćaju;**
- Ad.39. Sporazuma o zajmu između Bosne i Hercegovine i Evropske banke za obnovu i razvoj za projekat Mahovljanska petlja;**
- Ad.40. Sporazuma o finansiranju i projektu između KfW, Frankfurt na Majni, i Bosne i Hercegovine, koju zastupa Ministarstvo finansija i trezora BiH, kao i Federacije Bosne i Hercegovine, koju zastupa Federalno ministarstvo finansija, i općine Bihać, Agencija za izvođenje projekta, Prikupljanje i tretman otpadnih voda, Bihać;**
- Ad.41. Sporazuma o zračnom saobraćaju između Vijeća ministara BiH i Vlade Ruske Federacije;**
- Ad.42. Memoranduma o razumijevanju između saveznog ministra odbrane i sporta Republike Austrije, Vijeća ministara BiH, Vlade Republike Hrvatske, Vlade Kraljevine Danske, Ministarstva vanjskih poslova Republike Francuske, Vlade Republike Mađarske, Vlade Republike Makedonije, Vlade Kraljevine Holandije, Vlade Kraljevine Norveške, Vlade Republike Poljske, Vlade Švicarske Konfederacije, Vlade Republike Turske, Vlade Ujedinjenog Kraljevstva Velike Britanije i Sjeverne Irske i Vlade Sjedinjenih Američkih Država, vezano za saradnju u radu Centra za obuku za operacije podrške miru u Bosni i Hercegovini.**

Sjednica je prekinuta u 15,20 sati.

Sastavni dio ovog zapisnika je neautorizirani transkript 44. sjednice Doma naroda.

SEKRETAR
DOMA NARODA
Marin Vukoja, s.r

PREDSJEDAVAJUĆI
DOMA NARODA
Sulejman Tihić, s.r.